



**Quæstionum Canonicarum, In Quinque Libros
Decretalium, Tomus ...**

In Librum I. Decretalium, Per quadraginta, & tres Titulos distributum, in
quo agitur De Constitutionibus, Seu Legibus universim ...

Krimer, Ferdinand

Augustæ Vindelicorum, 1706

§. II. De proprio Episcopo ratione domicilij.

[urn:nbn:de:hbz:466:1-73031](#)

centia, ab alio ; sic sacra Congregatio apud Piascium *in praxi p. 1. c. a. 2.* Not. 3. vagos ordinandos esse ab Episcopo suæ, vel paternæ originis, si etiam Pater tempore nativitatis ipsorum vagus fuit; si non possit constare de Patris origine (ut si & hujus parens tunc, quando iste natus est, vagus fuit) illi Episcopo censentur vagi tunc subjecti, in cuius diœcesi petunt Ordines; sic Tiberius *in instruct. ordinand. c. 7. q. 47.* Not. 4. Libertos, seu libertinos ordinari posse ab Episcopo, vel suæ propriæ originis, vel ab Episcopo originis suorum Patronorum, cum sequantur eorum, & non Patris originem, ut dicitur *cit. L. assumptio, & tradit. Barbosa cit. nu. 18. &c. 36.*

Q. II.

De proprio Episcopo ratione domicilij.

2135. **E**piscopus proprius *ratione domicilij* est, in cuius diœcesi aliquis sedem fixit animo ibi perpetuò manendi, nisi quid avocet, licet alibi natus sit, *L. Cives Cod. de incolis, junct. gloss. V. Laicum.* Nam domicilium animo, & factò contrahitur, *L. domicilium, ff. ad municip. junct. gloss. V. facto.* Cæterum juxta novissimam constitutionem Innocentij XI. *Q. subditus autem, de qua à num. 2124.* ad effectum recipiendi Ordines, ille tantum censeri debet *subditus domicilij*, qui, licet alibi natus sit, tamen adeò stabiliter in aliquo loco illud constituit, ut vel per decennium in eo habitando; vel duplo maiorem rerum suarum partem cum instructis ædibus, in illum locum transfrerendo, ibique per aliquod considerabile tempus commorando, animum suum ibidem perpetuò commorandi demonstraverit, & jurejurando affirmet, se verè ac realiter, talen animum habere, idque in utroque casu; ut exposuimus supr. *num. 2126.*

2136. Not. autem 1. quod filius, manens cum Patre, sortiatur domicilium Patris, si alibi domicilium, seu sedem non figat; cum etiam filius familias pubes, domicilium sibi constituere possit, *L. Placet, 3. cum seq. ff. ad municip.* Not. 2. quod filius non amittat domicilium Patris, descendendo ab isto, si retineat animum,

ad illum redeundi. *Navarr. lib. 1. Consil. 3. b. t.* Not. 3. non amitti domicilium *originis* per hoc, quod quis alibi constitutus sibi domicilium *habitationis*. Illud enim est immutabile, ac renuntiari non potest, *L. assumptio, cit. ff. ad municip. & L. origine, C. de municip.* Not. 4. ut quis mutet domicilium, non requiri licentiam Episcopi. *c. fin. de Paroch. & Abbas ibid. nu. 1.*

Q. III.

De proprio Episcopo ratione Beneficij.

Episcopus proprius *ratione beneficij*, ^{2137.} in ordine ad effectum ordinationis activæ, & passivæ, dicitur, in cuius diœcesi aliquis obtinet beneficium Ecclesiasticum, esto alibi habeat originem, vel domicilium. Dixi 1. beneficium Ecclesiasticum; quo nomine non venit probanda temporalis, nec Capellania non collativa, etiam perpetua, nec etiam beneficium alicui concessum in commendam temporalem; sic Barbosa *cit. alleg. 4. num. 50.* nec beneficium exemptum ab omni jurisdictione Episcopi; quia sic ratione illius Episcopo subjici non potest; nec etiam pensio Ecclesiastica, *gloss. in c. 3. b. t. in 6. V. Ecclesiasticum;* excipe, nisi talis pensio constituta alicui sit in titulum beneficij, Vicariæ perpetuae, vel commendæ; sic Layman *lib. tr. 2. cap. 18.* excipe 2. nisi beneficium sit ei concessum in commendam perpetuam, & utilitatem Commendatarij; sic Barbos. *loc. cit.*

Venit autem hoc loco nomine *beneficij*, ^{2138.} vi cuius quis ad Ordines *subjicitur* Episcopo, etiam beneficium *manualē*; Rebuff. *in praxi benefic. tit. de Clericis, & à quibus, nu. 2.* secundò beneficium non exigens residentiam; Pirhing *hic num. 34. tertio*, esto illius beneficij *presentatio, institutio, vel collatio ad alium pertineat, modò quoad jura Episcopalia Episcopo, ejus titulo aliquem ordinanti, subjectum sit.* Sic Barbosa *cit. nu. 52.* Addunt aliqui, etiamsi beneficium illud sit tenué, nec sufficiens ad congruam vitæ sustentationem; sic Barbosa *cit. nu. 44.* sed hoc non amplius procedit propter *cit. constitut.* Innocentij XI. ubi *Q. licet verò, decet-* nit,